



Til adresseliste

26 JUNI 2013

Vår dato:

Vår ref.: NVE 201206093-4 ki/baso

Arkiv: 312 / 103.4B

Dykkar dato:

Dykkar ref.:

Sakshandsamar:

Bård Ottesen

22959528

Rauma Energi AS – søknad om løyve til bygging av Kavlifoss minikraftverk i Rauma kommune, Møre og Romsdal – høyring

NVE har motteke ein søknad frå Rauma Energi AS, datert 28.08.2012, om løyve til bygging av Kavlifoss minikraftverk i Rauma kommune.

Kavlifoss minikraftverk vil utnytte eit ca. 15 m høgt fall i elva Isa. Inntak vert på kote 45 og utløp på kote 30. Nedbørfelt ved inntak er 71,5 km² med middelvassføring på 4,375 m³/s. Utbygd elvestrekning vert ca. 370 m. Rørgata vert grave ned og vil få ei lengde på 225 m. Det vil bli etablert ny veg langs rørgatetraseen ned til kraftstasjon og ein kort veg til inntaksområdet. Kraftverket er planlagt med installert effekt på 0,99 MW og maksimal slukeevne 7,8 m³/s. Årleg middelproduksjon er berekna til ca. 3,4 GWh. Det er planlagt å legge ein ca. 75 m lang jordkabel fram til ny koplingsstasjon. Det skal sleppast ei minstevassføring på 1,4 m³/s om sumaren (1/5-30/9) og 0,3 m³/s om vinteren (1/10-30/).

Det er òg søkt om løyve etter energilova for bygging og drift av Kavlifoss minikraftverk med tilhøyrande koplingsanlegg og kraftline.

Søknaden skal handsamast etter reglane i kap. 3 i vassressurslova og gjeld løyve etter vassressurslova § 8. Søknaden med vedlegg vert lagt ut på www.nve.no/konsesjonssaker, og den vert kunngjort av NVE. Kopi av kunngjeringa ligg ved. Viss de ønskjer papirutgåve av søknaden, kan de kontakte Alf Vee Midtun (Rauma Energi) på tlf. 71 22 67 00 eller e-post: alf@rauma-energi.no.

NVE ber Rauma kommune leggje to eksemplar av søknaden ut til offentlig ettersyn på Servicetorget i Rådhuset fram til **02.09.2013**. Det eine eksemplaret kan, om naudsynt, lånast ut for kortare tid (2-3 dagar). Det andre må ikkje fjernast frå utleggingsstaden.

Vi syner elles til vedlagde informasjonsark som forklarar sakshandsaminga frå saka vert sendt på høyring til endeleg vedtak. Av dette går det fram kva for tilbakemelding vi ønskjer.

NVE føretrekkjer at fråsegner sendast oss elektronisk via www.nve.no/konsesjonssaker så snart som mogeleg og seinast innan **02.09.2013**. I tillegg kan ein sende fråsegner per e-post til nve@nve.no eller per post til: NVE, Konesjonsavdelinga, Postboks 5091 Majorstua, 0301 Oslo.

E-post: nve@nve.no, Postboks 5091, Majorstuen, 0301 OSLO, Telefon: 09575, Internett: www.nve.no

Org.nr.: NO 970 205 039 MVA Bankkonto: 7694 05 08971

Hovedkontor

Middelthunsgate 29
Postboks 5091, Majorstuen
0301 OSLO

Region Midt-Norge

Vestre Rosten 81
7075 TILLER

Region Nord

Kongens gate 14-18
8514 NARVIK

Region Sør

Anton Jenssensgate 7
Postboks 2124
3103 TØNSBERG

Region Vest


Naustdalsvn. 1B
Postboks 53
6801 FØRDE

Region Øst

Vangsvien 73
Postboks 4223
2307 HAMAR

Fråsegner eller delar av fråsegna vert referert i eit endeleg vedtak. Om fråsegna er lang, er det difor ein fordel om det vert utarbeidd eit samandrag som kan brukast til dette.

Med helsing


for Gry Berg
seksjonssjef


Bård Ottesen
overingeniør

Vedlegg: 4 Søknad til kommunen
Kunngjeringstekst
Informasjonsark
Adresseliste

Adresseliste for: Bygging av Kavlifoss minikraftverk

Handsamast etter: Vassressurslova og energilova

Vert kunngjort av NVE ved CIA Media Marketing 1 gong i: Åndalsnes avis

Tal på søknadar	Namn/adresse
3	Rauma kommune, Vollan 8 A, 6300 Åndalsnes
	Fylkesmannen i Møre og Romsdal, Fylkeshuset, 6404 Molde
	Møre og Romsdal fylkeskommune, Fylkeshuset, 6404 Molde
	Statens vegvesen Region midt, Fylkeshuset, 6404 Molde
	Direktoratet for naturforvaltning, 7485 Trondheim
	Molde og Romsdals Turistforening, Postboks 486, 6401 Molde
	Friluftsrådet Nordmøre og Romsdal, Kommunehuset , 6631 Batnfjordsøra
	Forum for natur og friluftsliv (FNF) Møre og Romsdal, Kommunehuset, 6631 Batnfjordsøra
	NJFF-Møre og Romsdal, Årøseterveien 35, 6422 Molde
	Naturvernforbundet i Møre og Romsdal, v/Øystein Folden, 6630 Tingvoll
	Istad nett AS, Plutovegen 5, 6419 Molde
	Norges padleforbund, Serviceboks 1 Ullevål stadion, 0840 Oslo
	TBM – Katarina Eftevand
	TBD – Ragnhild Hoel
	ER – Seming Skau

Kopi: Rauma Energi AS, Øran Vest, 6300 Åndalsnes

- KUNNGJERING -

Søknad om løyve til å byggje Kavlifoss minikraftverk i Rauma kommune

Rauma Energi AS søker om løyve etter vassressurslova til å byggje Kavlifoss minikraftverk i elva Isa. Det er planar om å nytte eit 15 m høgt fall med inntak på kote 45 og kraftstasjon på kote 30. Kraftverket vil gi ein årleg kraftproduksjon på 3,4 GWh. Dette svarar til straumbruken til om lag 170 husstandar.

Søknaden med vedlegg er lagt ut til offentleg ettersyn på Servicetorget i Rådhuset og på NVE sine nettsider www.nve.no/konsesjonssaker fram til høyringsfristen går ut. Kontakt søkjar på tlf. 71 22 67 00 eller e-post: alf@rauma-energi.no om De ynskjer papirutgåve av søknaden. Fråsegn kan sendast elektronisk via www.nve.no/konsesjonssaker, per e-post til nve@nve.no eller per post til: NVE, Konsesjonsavdelinga, Postboks 5091 Majorstua, 0301 Oslo innan **02.09.2013**.



Orientering til høyringspartane

Generelt

Frå 1. januar 2010 har fylkeskommunen heimel til å gje løyve i saker som gjeld utbygging av kraftverk med installert effekt inntil 1 MW. Dette gjeld m.a. ikkje saker i verna vassdrag. Løyve til større kraftutbyggingar blir gjeve av NVE eller Kongen i statsråd.

Denne orienteringa gjeld saker der fylkeskommunen kan gje løyve etter § 8 i vassressurslova.

Handsaming av søknaden fram til innstilling blir gjeve til fylkeskommunen

NVE sender informasjon om høyringa til kommunar, fylkesmenn (FM), fylkeskommunar (FK), statlege forvaltingsorgan og interesseorganisasjonar som saka vedkjem. Høyringsperioden er minst 6 veker. Saka vert kunngjort i minst ei avis i distriktet og kommunen legg søknaden ut til offentleg gjennomsyn, ev. utlån. Søknaden vert òg lagt ut på www.nve.no/konsesjonssaker med tilgang til å sende inn fråsegn elektronisk.

Søkjar får høve til å kommentere innkomne fråsegner før NVE gjennomfører synfaring i området.

I heilskapsvurderinga står NVE fritt til å vurdere om løyve bør gjevast og i kva omfang, jf. vassressurslova § 25. Søknaden og innkomne høyringsfråsegner er viktige grunnlag for NVE si vurdering.

Dersom FK gjev løyve, kan det bli knytt vilkår til dette, jf. vassressurslova § 26. Vilkåra kan omfatte byggjefristar, vasslepping, godkjenning av planar med omsyn til miljø og tryggleik, naturforvaltning, fornminne og sanksjonar ved ev. brot på vilkåra.

FK si avgjerd kan påklagast til Olje- og energidepartementet innan 3 veker frå det tidspunkt underretning er kome fram til parten.

Om det er søkt løyve etter energilova for elektriske anlegg i kraftverk/høgspenst overføringsanlegg, vil NVE gi naudsynte konsesjonar etter at vedtaket er fatta av FK. Dei fleste høgspentanlegg med linjer kan byggast innanfor lokal netteigar sin områdekonsesjon.

Kva vert forventet av høyringsinstansane?

Kommunen bør gje grunngjevne synspunkt på om planane bør gjennomførast, ev. val av alternativ. Vi ber kommunen informere om kjende allmenne interesser (t.d. landskap, friluftsliv, fisk og vilt) som tiltaket kan få følgjer for, og ev. andre faktiske tilhøve som kan få innverknad på gjennomføringa. NVE ønskjer forslag til vilkår eller avbøtande tiltak som kan redusere ev. skader ved gjennomføring av planane. NVE ventar at kommunen omtalar tilhøve til kommuneplanen og andre kommunale planar.

FM bør leggja vekt på tilhøva omkring miljø, medrekna fisk og biologisk mangfald, og vurdere tiltaket i høve til sektorlovgivinga.

FK skal bidra med fagleg informasjon innafor eige ansvarsområde, men er ikkje høyringspart i NVE si forberedande sakshandsaming.

Motsegn og klagerett

I ny plan- og bygningslov er tilhøvet mellom konsesjonshandsaming og handsaming av planar for energianlegg endra for å sikre ei meir effektiv sakshandsaming. Det er ikkje krav om reguleringsplan. For å ta hand om retten til å fremja motsegn som kommunar og statlege fagetatar har hatt til reguleringsplanar, er det teke inn reglar i energi- og vassdragslovgivinga om motsegn og klagerett. NVE understrekar at ei ev. motsegn må fremjast i høyringsperioden. NVE syner til våre nettsider for meir informasjon: www.nve.no/konsesjonssaker.